

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Gebri Arabis Chimia**

**Geber**

**Lugduni Batavorum, 1668**

De modo tradendi hanc artem, & de idoneis discipulis & scopo libri. Cap. I

[urn:nbn:de:bsz:31-95581](#)



GEBRI ARABIS  
C H Y M I A,  
S I V E

Summa Perfectionis Magisterii,  
In duos Libros divisa.

PROOE MIUM,

De modo tradendi hanc artem, & de  
idoneis discipulis & scopo libri.

C A P V T I.

**T**O T A M nostram metallorum  
transmutandorum scientiam,  
quam ex libris antiquorum  
philosophorum abbreviavimus,  
compilatione diversa, in nostris  
voluminibus, hic in unam suuminam rede-  
gimus. Et quæ in aliis libris à nobis scri-  
ptis diminuta existunt, in hac summæ per-  
fectionis traditione, compensavimus, ipso-  
rumque defectum brevi oratione supplevi-  
mus, similiter & quod occultatum fuit à  
nobis in parte una alibi manifestavimus il-  
lud in eadem parte, hoc nostro volumine:  
Ut sic prudentibus complementum tam  
excellentis nobilisque partis philosophiæ

A

pate-

LIBRI PRIMI

patesiat. Scias igitur fili Charissime in hoc  
volumine, hujus artis operationem, in ca-  
pitulis generalibus universaliter sine diini-  
nitione aliqua, sufficienter contineri. Per  
Deum, qui secundum hunc librum opera-  
tus fuerit, verum finem hujus artis se inve-  
niisse laetabitur. Sed scito charissime, quod  
qui principia naturalia in philosophia  
ignorat, multum renotus est ab hac arte  
nostra, cum non habeat radicem veram, su-  
per quam intentionem suam fundet. Ille  
vero qui principia cognoverit naturalia &  
causas mineralium, propinquus est : Non  
tamen adhuc ADEPTVS est veram radicem  
seu finem proficuum hujus artis occultissi-  
mæ, licet habeat faciliorem aditum ad ar-  
tis hujus principia, quam is cui cadit igno-  
rantia super mentem ejus de modo ac pro-  
gressu hujus nostri operis ; & scito quod  
hic parum removetur ab artis introitu. Qui  
vero sciverit omnia principia naturæ &  
causas mineralium, & modum genera-  
tionis eorumdem ; qui ex intentione naturæ  
consistit, parum quidem ab isto, de operis  
complemento ausertur, sine quo tamen non  
potest perfici scientia nostra, quod ars in  
omnibus sequi non valeat naturam opera-  
tionibus, sed imitatur eam in quantum  
potest. Charissime igitur fili secretum il-  
lud tibi pandimus, quod in hoc inquiren-  
tes hanc artem errant, quia naturam in o-  
mnibus

mnibus differentis proprietatum actionis imitari desiderant. Labora itaque studere in nostris voluminibus, præcipue in hoc libro, & dicta nostra sæpius in corde tuo revolve: Ut intentionem ex nostræ loquacæ modo veram elicias: in iis enim invenies super quæ intentionem tuam fundare possis, & scies ex eis errores à te repellere, & in quibus imitari naturam possis in artificio nostri famosi ac ingeniosi operis.

*Divisio Libri.*

## C A P . II .

P RIMO igitur breviter ponemus impec-  
dimenta omnia, quibus in hoc opere  
artifex impeditur, ne verum finem adipisci-  
tatur. Et tandem dicimus ea, quæ artifi-  
cem hujus operis in se habere expedit &  
oportet. Secundo disputabimus contra  
ignorantes & sophistas, qui propter suam  
ignorantiam ac impotentiam hujus artis  
magisterium, proficuumque inquirendo, ar-  
tem interimunt, & eam non esse affirmant.  
Ponemus ergo in primis omnes rationes  
& persuasiones eorum, & postea illas evi-  
dentiissime destruemus, ita ut prudēn-  
tibus satis pateat illorum sophistarum  
argumentationes in nulla parte veritate in-  
continere. Tertio disputabimus super prin-  
cipiis naturalibus quæ sunt de intentione

A 2

naturæ